



DO'STIM

SENGA

JANNATNI

TILAYMAN

Do'stim shu yolg'onlaring oxiratda tarozingni og'ir qilmasin:

"...Va yolg'on so'zdan yiroq bo'ling".

(Haj,30)

Abdurahmon ibn Abu Bakra roziyallohu anhumodan, u otasidan: **"Rasululloh sollallohu alayhi vasallamning huzurlarida edik, shunda ul zot: "Gunohlarning eng kattalari haqida sizlarga xabar beraymi?, deb uch marta aytdilar: ..."Ogoh bo'linglar, yolg'on guvohlik berish va yolg'on gapirish", deb takrorlayverdilar, hattoki biz: "Qaniydi to'xtatsalar edi", deb qoldik"**

(Imom Buxoriy rivoyati)

Anas roziyallohu anhudan rivoyat qilinadi: **«Nabiy sollallohu alayhi vasallam: «Kim yolg'onni tark qilsa – Holbuki, u botildir – unga jannatning sahnida bir uy quriladi..."**

(Termiziy, Abu Dovud rivoyati)

manfaatli

Do'stim har kuni 5 mahal
namoz o'qish farz:

**"...Albatta namoz mo'minlarga
vaqtida farz qilingandir."**

(Niso,103)

Do'stim tushunding-a?
Seni shu holatga tushishingni
xohlamayman:

**"Sizlarni do'zaxga nima kiritdi?
Ular:" Namoz o'qiydiganlardan
bo'lmagan edik".**

(Mudassir,42-43)

manfaatli

Do'stim besh muchaling sog',
nega ro'za tutmaysan?!

«Ey iymon keltirganlar! Sizlardan
avvalgilarga farz qilinganidek,
sizlarga ham ro'za farz qilindi.
Shoyadki, taqvo qilsangiz...»

(Baqara,183)

Aks holda bunday holatga tushishingni
aslo xohlamayman:

“Kim Allohga va Uning Rasuliga isyon
qilsa va Uning chegarasidan tajovuz
qilsa, uni abadiy qolish uchun
do'zaxga kiritadir. Va unga xorlovchi
azob bordir”

(Niso,14)

manfaatli

Do'stim harom bo'lgan
sigaretingni tashla:

**"O'zingizni halokatga
duchor qilmang"**

(Baqara,195)

"O'zingizni o'zingiz o'ldirmang"

(Niso,29)

**Rasululloh sollallohu alayhi vasallam
shunday deydilar: "O'zga ham, o'zgaga
ham zarar berish yo'q"**

(Imom Molik "Muvatto"da (1494),
Hokim "Mustadrak"da rivoyat qilishgan)

manfaatli

Do'stim benikoh sevishib yurishdan
saqlan, zinodan saqlan:

**"Va zinoga yaqinlashmanglar.
Albatta, u foxisha ish va
yomon yo'ldir."**

(Isro,32)

Abu Umoma roziyallohu anhudan rivoyat
qilinadi: Rasululloh sollallohu alayhi vasallam:

**"Nomahramlar bilan holi qolishdan ehtiyot bo'lgin.
Jonim qo'lida bo'lgan Zotga qasamki, biror erkak
nomahram ayol bilan holi qolsa, ular orasiga shayton kiradi.
Bir erkak o'z yelkasini nomahram ayolning yelkasiga
tekkazganidan ko'ra loy yoki balchiqqa qorilib yotgan
cho'chqani quchoqlagani yaxshiroq", dedilar.**

(Tabaroniy rivoyati)

manfaatli

Do'stim harom bo'lgan
mast qiluvchi ichimliklaringni tashla:

**"Alloh taolo dedi: "Ey mo'minlar, aroq (mast qila
digan ichimlik ichish), qimor (o'ynash),
butsanamlar (ya'ni, ularga sig'inish) va (fol
ochadigan) cho'plar shayton amalidan bo'lgan
harom ishdir. Bas, ularning har biridan uzoq
bo'lingiz, shoyad najot topsangiz!"**

(Moida, 90)

Ibn Umar (roziyallohu anhu)dan rivoyat qilinadi:
«Payg'ambarimiz Muhammad (sollallohu alayhi
vasallam): **"Alloh xamrni, uning ichuvchisini, quyib
beruvchisini, sotuvchisini, sotib oluvchisini,
siquvchisini, siqtiruvchisini, ko'taruvchisini va
ko'tartiruvchisini la'natladi", dedilar»**

(Imom Abu Dovud va Imom Termiziy rivoyati)

Xamr – mast qiluvchi ichimlik

manfaatli

Do'stim og'zingga e'tiborli bo'l zero:

"Ey mo'minlar, (sizlardan bo'lgan) bir qavm (boshqa) bir (mo'min) qavm ustidan masxara qilib kulmasin – ehtimolki, (o'sha masxara qilingan qavm) ulardan yaxshiroq bo'lsalar"

(Hujurot,11)

Abdulloh roziyallohu anhudan rivoyat qilinadi:

«Nabiy sollallohu alayhi vasallam: «Musulmonni so'kish fosiqlikdir. U bilan urishish kufrdir», dedilar»

Buxoriy, Muslim va Termiziy rivoyatlari

Abu Hurayra roziyallohu anhudan rivoyat qilingan hadis: "Rasululloh sollallohu alayhi va sallam:

"...Kishi o'z muslim birodarini haqorat etishi uning yomonligiga (yomonlik qilayotganiga) kifoyadir. Har bir musulmonga boshqa musulmonning qoni, moli va obro'si haromdir", deb aytdilar".

(Muslim rivoyati)

manfaatli

Do'stim senga Jannatni tilayman...:

**"Zero, oxirat ham, dunyo ham
Allohnikidir."**

(Najm,25)

**"Va albatta, oxirat sen uchun bu
dunyodan yaxshidir."**

(Zuho,4)

**"Ey, iymon keltirganlar! Islomga to'lig'icha
kiring. Va shaytonning izidan
ergashmang. Albatta, u sizga ochiq
dushmandir".**

(Baqara,208)

**"... Albatta, taqvodorlar uchun go'zal
oqibat. Ular uchun eshiklari ochiq adn
jannatlari bordir".**

(Sod,49-50)

Do'stim haromdan yeyishni bas qil:

Jobir ibn Abdulloh roziyallohu anhudan rivoyat qilinadi,
Rasululloh sollallohu alayhi vasallam dedilar:

**"Haromdan ozuqalangan go'sht-badan
jannatga kirmaydi, unga jahannam loyiqdir".**

(Imom Ahmad rivoyati)

Ibbon ibn Abu Affosh roziyallohu anhu rivoyat qiladilar: "Anas

roziyallohu anhu aytadilar: **"Nabiy sollallohu alayhi**

**vasallamga: "Ey Allohning Rasuli, meni duosi
qabul bo'ladiganlardan qilib qo'ying", dedim.**

U zot: "Ey Anas, kasbingni pok qilgin, duoning

qabul bo'lur. Chunki bir odam og'ziga bir

luqma haromni solsa, qirq kungacha duosi

ijobat bo'lmaydi", dedilar"

(Imom Buxoriy, Imom Muslim,

Imom Termiziy va Imom Nasoiy rivoyatlari)

manfaatli